



## Nunaminertanik qinnuteqaatit

Nunaminertamik atuisoqalersinnagu nunaminertamik qinnuteqartoqartassaaq. Tamakku tassaasinnaapput atavissussanik sanaartorfissat, suut aqqutissaannik sanaartorfissat, naatsiiviliorfissat, angallaffissat assigisaallu imaluunniit angallatinik, containerinik assigisaannillu inissiigallarfissat.

Kommune Kujallermi tamarmi, tassa illoqarfinni, nunaqarfinni, aammalu asimi, nunaminertanik atugassanngortitsisarnermik Teknikkeqarfik isumaginnittuusarpoq.

### [Uani nunaminertamik qinnuteqarsinnaavutit](#)

[Kalaallit Nunaanni nunaminertanut nalunaarsuiffimmut, NIN-imut, qinnuteqarniartunut ilitsersuut](#)(PDF, 366KB)

Aamma Teknikkeqarfimmut saaffiginnikkuit immersugassamik ikiussavatsigit.

Nunaminertanik qinnuteqaatit tamarmik tiguneqareeraangata sanilerisanut tusarniaanerit ulluni 14-ni ingerlanneqartarput. Tamanna allattuiffissaq A4-tigut qinnuteqartumut, atorneqarnissaanut sumiinneranullu/sumut killeqarneranut paasissutissatigut (nunap assinga) pisarpoq.

Nunaminertanik qinnuteqaatit nalinginnaasumik soqutiginnittut, nutaanik illuliornerit, teknikkikkut annertuumik sanaartornissat kiisalu atorneqarnissaannut allanngortitsinerit il.il. tamanut saqqummiunneqartarput. Imaappoq piginnittut nikinneri, kuuffiit aqputaat, aneersuartaarfii, naatsiiviit il.il. tamanut saqqummiunneqarneq ajorput.

### **Nunaminertanut tunngasut tamanut takusassiaralugit makku tusarniaassutigineqarput: [Klik her](#)**

Nunaminertanik qinnuteqaatit pilersaarutinut tunngaviusunut naapertuuppata kiisalu sanilerisanut tusarniaasimanerit imaluunniit tamanut saqqummiunneqarneranni akerliusoqarsimangippat aqutsisoqarfimmit akuerineqartarput. Ingerlatsiviup nunaminertamik tunniussineq pilersaarummut tunngaviusumut naapertuutinninnera nalilerpagu imaluunniit akerliusoqarsimappat, suliaq teknikkeqarnermut ataatsimiititaliamut saqqummiunneqassaaq.

Nunaminertanik inissiigallarfissanik qinnuteqaatit - angallatinik, containerinik assigisaannillu - teknikkeqarfimmit suliarineqartarput. Inissiigallarnerit sanilinut soqutiginnittunullu allanut (Nukissiorfiit, Tele allallu) ajoqutaasinnaappata taakku tusarniaavigineqassapput.

Januaarip aallaqqaataa 1997-i aallarnerfigalugu, kuuffissuarnik ingerlatsineq aserfallatsaaliinerillu kommuninit tiguneqarput. Kuuffinnik suliaasanut inerisaanemullu suliaasanut ataasiakkaanut suliarinnittussarsiuussisoqartarpoq. Kuuffilersortittoqarusutsillugu Teknikkeqarnermut Ingerlatsivik nunaminertamik assaasinnaanermullu akuersissummik qinnuteqarfigineqartassaaq.

# Retningslinier for arealtildelinger

Kalaallit Nunaanni kommunit killeqaarfiisa iluini nunaminertat kommuninit aqunneqarput. Illoqarfiit, nunaqarfiit nunaminertallu asimiittut Pilersaarusionsoneq aamma nunaminertat atorneqartarnerat pillugit Inatsisartut inatsisissaat nr. 17, 17. November 2010-meersoq tunngavigalugu killeqarfiit pillugit malittarisassat imaattut akuerissutigineqarput.

## § 1 Qaqugu nunaminertamik qinnuteqartoqarsinnaava

Imm. 1 Nunaminertat siusinnerusukkut atugassanngortinneqarsimangitsut tamanik atorneqartussaannngitsutut siunertamut allamut atorneqarnissaa kissaatigineqaraangat nunaminertamik qinnuteqaat tunniunneqartassaaq. Tassa imaappoq illuutigisap atareersup alliffissaatut, nutaanik naatsiivillorfissatut, quillorfissatut, kabelinik inssiivissatut, ledninginik inssiivissatut, ruujorinut il.il. inssiivissatut.

Imm. 2. Nunaminertamik qinnuteqaat tunniunneqartassaaq nunaminertap siusinnerusukkut atugassanngortinneqarsimasup atorneqarnerani siunertamik allanngortitsisoqarpat.

Imm. 3. Nunaminertamik qinnuteqaat atugassanngortinneqassaaq nunaminertamut siusinnerusukkut atugassanngortinneqarsimasumut pinsinnaatitaaffiit allamut tunniunneqartussanngoraangata.

## §2 Qanoq illulluini nunaminertamik qinnuteqartoqarsinnaava

Imm. 1. [www.kujalleq.gl](http://www.kujalleq.gl) nittartakkap iluani NunaGIS-imut iseriarluni nunaminertamik qinnuteqaammik immersugassamik aallertoqarsinnaavoq.

Imm. 2. Kommune Kujallerimi illoqarfinni pingasuusuni teknikkeqarnermut ingerlatsivinnut taamatuttaaq nunaqarfinni allaffinnut saaffiginninnikkut nunaminertassamik qinnuteqartoqarsinnaavoq.

Imm. 3. Nunaminertamik qinnuteqaat suliarineqassappat kommunalbestyrelsi qinnuteqartumut paasisutissanik amerlanerusunik piimasaqarsinnaavoq, makku ilanngullugit:

3.1 Sulliap teknikkikkut aningaasaqarnikkullu naammassineqarsinnaaneranut uppersaatissat.

3.2 Atorneqarsinnaasunut siunnersuusiorsimanissaq.

3.3 Sullariniakkap takussutissartaq

3.4 Qinnutigisamut akiluteqarnissaq piimasaqaataasimappat sanaartorfingisaanermut akileeqaataassutinut qularnaveeqquusiinissaq.

Imm. 4 Kommunalbestyrelsi qinnuteqaat itigartissinnaavaa paasisutissat imm. 3-mi taaneqartut piffissaliunneqarsimasup sapaatit akunnerinik sisamanik sivissuseqartup iluani tunniunneqarsimangippata.

## § 3 Tamanut saqqummiussineq

Imm. 1. Tamanut saqqummiussineq pisarpoq kommunalbestyrelsep isumaa malillugu suliamut attuumassuteqartut tusarniaavigineqarnerisigut, kommunip nittartagaq [www.kujalleq.gl](http://www.kujalleq.gl) – kiisalu illoqarfiilup allagarisvii aqqutigalugit.

Imm. 2. Illoqarfimmi nunaqarfimmiluunniit nunaminertamik qinnuteqaammut atatillugu ullut 14 qaangiutinnagit asimullu tunngasortaanut qinnuteqaammut sapaatip akunneri pingasut qaangiutinnagit naammagittaalliuut tunniunneqareersimassaaq. Allatigut naammagittaalliorqassagaluarpat kommunalbestyrelsemut ingerlateqqinneqassaaq.

Imm. 3. Kommunip nittartagaatigut [www.kujalleq.gl](http://www.kujalleq.gl) –ikkut nunaminertanik atugassanngortitsisoqaraangat pisortatigoortumik nalunaarutigineqartarpoq.

Imm. 4. Nunaminertat atugassanngortinneqareersut pillugit nalunaarutiginerisa kingorna kingusinnerpaamik qaammatit marluk qaangiutinnagit naammagittaalliuutit nassiuunneqareersimassapput. Allatigut naammagittaalliorqassagaluarpat kommunalbestyrelsemut ingerlateqqinneqariarluni Namminersorlutik Oqartussanut ingerlateqqinneqassaaq.

## § 4 Nunaminertat atorneqanngitsut nalunaarutigineqarnerat atugassanngortinneqarnerilu

Imm. 1. Kommunilbestyrelsi ingerlaavartumik nunaminertat qinnuteqaatigineqarsimasut suminneri nalunaarutigisarpai.

Soqutiginnittut nunaminertamik qinnuteqarsinnaapput. Qinnuteqarnissamutaaq piffissaliussassaq killeqarpoq.

Imm. 2. Qinnuteqarnissamut piffissaliussap qaangiunnerata nalaani qinnuteqartut ilaqqippata qinnuteqaatit ilanngutiinnartussat naatsorsutigineqassapput.

Imm. 3. Nalunaaruteqarnermut atatillugu nunaminertamik ataatsimik plukkunnartunik arlalinnik qinnuteqartoqarpat, sorliup nunaminermik pineqartumik atugassinneqarnissaa makitsinikkut aalajangerneqartarpoq. Makitsineq tunngavigalugu nunaminertamik qinnuteqartut plukkunnartut utaqsisussat tulleriinnilerneqartarput.

Imm. 4. Nunaminertamik atugassanngortitsineq atorunnaassagaluarpat, qinnuteqartut utaqqsut tullerilaarneranni suullinngortoq nunaminertamik neqeroorfigineqassaaq.

Imm. 5. Qinnuteqarnissamut piffissaliussap qaangiunnerata, tassa sapaatip akunnerani suliffiusup naanerani nalaani, qinnuteqartut ilaqqipata qinnuteqaatit ilanngutiinnagassatut naatsorsuutigineqassapput.

Imm. 6. Nunaminertamik atugassanngortitsineq atorunnaassagaluarpat, nunaminertaq qinnuteqartut utaqqsut tullerilaarneranni nunaminertaq pineqartoq tullinnguuttumut neqeroorutigineqassaaq.

#### **§ 5 Nunaminertamik tunniussinermi atugassarititaasut tunngavigisallu**

Imm. 1. Nunaminermut atuisinnaanermut akuersissut nunaminertamik siunertamut taaneqartumut atuisinnaanermik akuersissutaavoq.

Imm. 2. Nunaminertamik atugassanngortitsineq immikkut taaneqartumik atugassaqarfiuvoq, soorlu makkuninnga:

2.1 Pilersuisnermi aqqutinut assigiingitsunut ataatsimoorussanut, soorlu sarfap aamma erngup aqqutaanut kiisalu eqqakkat imerpalasut kuuffiilnut, atassusertussaaitaaneq.

2.2 Aqqusinermit pingaarnnut atasusertussaaitaaneq kiisalu qassinik sumilu biilnut uningavissanik sanaartorniarnermik nalunaartussaaitaaneq.

2.3 Akuersissutinik allanik pissarsinissaq, soorlu snaartornissamut, assaanissamut, atassusiinissamut allanullu akuersissutinik.

2.4 Nunaminertap atorineqarneranut atatillugu salinissamut, ileqquatut ilillugu qimatsinissamut qularnaveequsiinissat, soorlu aningaaserivimmi qularnaveeqummik assigisaannilluunniit siumoortumik akiliilluni qularnaveequsiinissaq.

2.5 Sanaartorfigissaanermut akiliuteqarneq.

2.6 Kommuni pillugu pilersaarusiame najoqqutassaareersunut akuersissutigineqartunut nunaminertat suli ilanngunneqanngitsut malittarisassanut akerliunnginnissaat siunertaralugu, nunaminertamik nunaminertamilu sumiiffiit ilaannik tunisisarneq pillugu aalajangersagalioritoqassaaq.

2.7 Nunaminertamik tunineqareernerup kingorna kingusinnerpaamik ukioq ataaseq qaangiutsinnagu, qinnuteqarnermi akuersisoqareersimanissaa taamatuttaaq kingusinnerpaamik ukiut marluk qaangiutsinnagit illullornerup aallartereersimanissaa naatsorsuutigineqarpoq.

2.8 Tunngiuviusumik piffissaliussat qaangiutsinnagit immikkullu qinnuteqartunik pisariaqartitsisoqartillugu, piffissaliussamik kommunalbestyrelse sivitsuisinnaavoq.

#### **§ 6 Nunaminertamik atugassanngortitsinermi sanaartukkat ungasissusissaat ataqpineqartussat**

Inissianik sanaartofissani nutaani pioreersunik snaartugaqarpat malittarisassani atuuttuni piumasagaatit tunngavigalugit ungasissusillisoqartassaaq, soorlu makkunani:

- Sarfamut sakkortuumut ledninginut napparutit nuuniit illumut qaninnermut ungasissusissaq 50 meteriuvoq.

- Aqqusineqarneq. Aqquserngit annerit qeqqaniit 7,5 meteriullunilu aqquserngit mikinerit qeqqaniit 5 meteriuvoq.

#### **§ 7 Nunaminertamik atugassanngortinneqartumut pisinnaatitaaffiit allamut tunniunneqarneri**

Imm. 1. Nunaminertamik atuinissamut, nunagissaareernermi toqqavissanillu qaartiterereernermi il.il. aatsaat kommunalbestyrelsip akuersereerneratigut pisinnaatitaaffimik allanut tunniussisoqarsinnaavoq.

Imm. 2. Nunaminertap atukkiussassap tunngaviusumik pilersaarusionerqarneranut pisinnaatitaaffinik tunniussisarneq pillugu malittarisassanut akerliunngippat kommunalbestyrelsimit akuerineqarsinnaavoq.

Imm. 3. Nunaminertamik nutaamik atugassanngortitsinikkuinnaq nunaminertamik atuisinnaanermut pisinnaatitaaffinik tunniussisoqarsinnaavoq.

#### **§ 8 Nunaminertap atugassanngortinneqarsimagaluartup atorunnaarsinneqarnera**

Imm. 1. Nunaminertamik atugassanngortitsinerugaluag atorunnaartarpoq nunaminertamik atugassanngortitsinermi atugassarititaasut naammassineqarnissaannut

piffissaliunneqartog qaangerneqaraangat.

Imm. 2. Illuljornissamat nunaminertamik atugassanngortitsineq atorunnaartarpoq sanaartulernissaanut akuersissut qaangussimappat imaluunniit sanaartulernissamat akuersissut atorunnaarsinneqarsimappat.

Imm. 3. Kommunalbestyrelsimit naliliivigineqarpat atugassarititaasunik eqqortitsisoqanngitsog, piffissalikkamik pissutsunik iluarsisoqarnissaa piumasarineqarsinnaavoq. Piffissaliunneqartog eqqortinneqanngippat nunaminertamik atugassanngortitsinerugaluag atorunnaarsinneqassaaq.

Imm. 4. Nunaminertamik atugassanngortitsinerugaluag atorunnaarsinneqarsinnaavoq maleruagassani ukunani atugassanngortitsinissamat aalajangersagaqarpat, qinnuteqartog piaaraluni imaluunniit mianersuaalliorjussuarluni atugassanngortinneqarnissaminut atasumik paasissutissanik pingaarutilinnik eqqunngitsunik nalunaaruteqartarsimappat.

#### **§ 9 Nunaminertap atugassanngortinneqarnera atorunnaarsinneqarpat pissusissaatut ilillugu qimatsineq**

Imm. 1. Nunaminertap atugassanngortinneqarnera atorunnaarsinneqarsimappat nunaminertamik atuinissamat akuerineqarsimagaluartog pissusaaq nunaminertap pissusiatut ilillugu suliarinissaanut.

Imm. 2. Nunaminertap atugassanngortinneqarnera atorunnaarsinneqarsimasumi inerlugu suliarineqarsimannngitsunik illoqarpat allamilluunniit suli B-normulerneqarsimannngitsunik sanaartugaqarpat nunaminertamat pisinnaatitaaffiit kommunalbestyrelsip akuersissuteqarneratigut allamat tunniunneqarsinnaapput nunaminertap atugassanngortinneqarnerani piumasaqaatit siullit assinginik piumasaqaatitalerlugit. Taakkununga ilannullugu piginnittoq nutaaq illuliarneqartup aamma imaluunniit sanaartorneqartunut allat inerlugit suliarineqarnissaanut piumasaqarfigineqassaaq.

#### **§ 10 Sanaartorfigissaanermut aningaasartuutit agguataarneqartrarnissaannut tunngaviit**

Imm. 1. Sanaartorfigissaanermut aningaasartuutit katinnerisa illunut nunaminertap siumut aalajangersaavigineqareersimasup iluaniittunut agguarneqarneratigut, nunaminertani inissiallorfissani inuussutissarsiteqarfissanilu nutaani sanaartorfigissaanermut aningaasartuutit akiligassanngortinneqartassapput. Agguaanermit tunngaviusog nunaminertallu kililernerqarnera akiliuteqarnissamat immikkut malittarisassiami aalajangersarneqartassapput, tassami sanaartorfigissaanermut pilersaarusanut ataasiakkaanut akiliuteqartarnissanut malittarisassiortoqassammat.

Akiliuteqartarnissamat malittarisassani agguataarinermut tunngasut imm. 2-mit imm. 7-imut takuneqarsinnaapput.

Imm. 2. Inissiallorfissani nutaani (A) sanaartorfigissaanermut aningaasartuutit agguataarneqartassapput nunaminertap akiliuteqarnissamat malittarisassaqaarfiup iluani inissiat amerlassusii najoqqutaralugit

Imm. 3. Nunaminertani umiarsualiveqarfinni inuussutissarsiteqarfinnilu nutaani (B) sanaartorfigissaanermut aningaasartuutit agguataarneqartassapput inuussutissarsiteqarfiit nunataasa qanoq angitigineri tunngavialugit.

Imm. 4. Illoqarfiup ilaani ataatsimoorussatut siunertaqarfiusuni (C) sanaartorfigissaanermut aningaasartuutit sanaartukkat ataasiakkaat nunaminertap akiliuteqartarnissamat malittarisassaqaarfiup iluani sanaartorneqartut tamarmik katillutik initaasa quleriaat qanoq inittutiginerannut naleqqiullugit agguataarneqartassapput.

Imm. 5. Illoqarfiup ilaani ataatsimoorussanik sanaartorfiusuni nutaani (D-mi E-milu) sanaartorfigissaanermut aningaasartuutit qanoq agguataarneqarnissaat qinikkanit immikkut aalajangiiffigineqartassaaq.

Imm. 6. Tamalaanut atugassanut sanaartorfigissaanermut aningaasartuutit agguassinissaaq politikikkut immikkut ittumik aalajangiivigineqartassaaq.

Imm. 7. Nunaminertat ilaanni atorneqareersuni illunik piginnittut

erngup sarfap aamma oqarasuaatit aqquataannut kiisalu erngup atoreerlugu iginneqartartup aqquataannut aningaasartuutit naamminneq akilertassavaat.

Imm. 8. Inissiaqarfinni pioreersuni namminerisaminnik illuutillit eqqakkanut imerpallasunut kuuffinnut atassusiinermi illumiit uuttorlugu 10 meteriniit ungasinnerusunut aningaasartuutimik affaat tikillugit tapiissuteqarfigineqarsinnaapput - illumulli ataatsimut annerpaamik 20.000 koruunit tapiissuteqarfigineqarsinnaallutik. Pilersaarusiaq naammassineqariarpat qinnuteqartoqarsinnaavoq.

#### **§ 11 Sanaartorfigissaanermut aningaasartuutit akiliitsiniartarneq**

Imm. 1. Sanaartorfigissaanermut akileeqataassutit akiliitsiniartarneq nunaminertamik atugassanngortitsinermut atatillugu pisassaaq, akiligassap angissusiata aalajangerneqarneranut akiliuteqarnissamat immikkut malittarisassiaq sanaartorfigissakkamat atuuttoq tunngavigineqassammat. Akiliutissap akileqquneqartup angissusia kingusinnerusukkat iluarsineqartassaaq, tassa sanaartorfigissaanermut pilersaarusiaq naammassineqareeraangat aningaasartuutillu angissusiat eqqortoq ilisimaneqalereeraangat.

Imm. 2. Kommunalbestyrelse sanaartorfissani ataasiakkaani sanaartorfigissaanermut aningaasartuutit akilernerqartarnissaannut malittarisassanik aalajangersaasinnaavoq.

**§12 Nunaminertanut qinnuteqaatit suliarinerinut akitsuutit**

Imm. 1. Nunaminertanik atugassangortitsinermut atatillugu akitsuuteqartitsisoqartarpoq. Tak. kommunip pisortatigoortumik akigititat pillugit allattorsimaffiiniittut.

>

**[Uani nunaminertamik qinnuteqarsinnaavutit](#)**

[Kalaallit Nunaanni nunaminertanut nalunaarsuiffimmut, NIN-imut, qinnuteqarniartunut ilitsersuut](#)(PDF, 366KB)

Aamma Teknikkeqarfimmut saaffiginnikkuit immersugassamik ikiussavatsigit.

# Arealansøgninger i høring



